

《中國地方志薈萃》編委會 編

中國地方志薈萃

中廟卷·第一輯 伍

中國地方志薈萃

中南卷·第一輯

伍

《中國地方志薈萃》編委會
編



九州出版社
JIUZHOU PRESS

全國百佳圖書出版單位

嘉慶安化縣志（一）

出版說明

嘉慶安化縣志（一）

（清）周文重修 雷聲 陶澍纂

本書二十卷首一卷，據清嘉慶十六年（一八一二）刻本影印。

續修安化縣志序

邑志之續脩也撫徃蹟紀新聞以昭
垂來茲前創後因均有賴焉安邑舊
志脩於康熙甲戌間迄今多歷年所
際

累代承平之盛沐百年

教澤之休一方文獻大有可傳可觀者續

之誠不可緩庚午春予權篆來斯邑
紳耆承前令李公與司鐸歐陽公張
公議續加纂脩予見皆懽忻從事又
能秉公持正也因亟勸而加勉之越
歲歲事丐序於予、以是舉也捐貲
訪輯悉邑檮紳先生之力予坐觀欣
成何贅詞為既而思之凡志中所載

學校之大賦稅之制壇廟祠宇之祀
典城池倉庫之捍衛貯藏以及風俗
美惡物產贏絀與夫名宦鄉賢文行
之卓異皆守斯土者所宜朝夕省覽
以志諸心循其分以供其職也則事
雖成於前令及兩司鐸與邑中諸君
子謂非即所以成予之志也耶予雖

不文不可以固陋辭爰序其續修之
梗概以弁諸簡端

嘉慶十六年辛未夏六月朔日

曲梁周文重謨



重修安化縣志引

邑之有志所以紀一代人才之興替風俗
之淳漓於以徵

聖朝聲教所訖由守土之振興有方裨善者
得傳不錄者知愧其係於人心世道匪淺
非徒誇張文物為方隅觀美已也然非
主持風教者具大學識大經濟則亦視

為泛常終廢類莫舉將燬漫不可收拾
矣我邑肇自熙寧間歷代紀載殆為兵
燹散逸明季學博方曾經修輯六剝蝕
無完文

國朝康熙年間明 府王吳趙三公始一再
續修之迄今百有餘年矣上焉不立循
良慳悌下焉不無忠孝節義而皆湮沒

不傳豈非一大缺事哉前任 常熟蔣公
濟南牛公雖亦有素主修築蹟周孝廉生
儒陶太封翁必銓與余共董厥役又緣遷
任而中心心乎掌故者未嘗不隱為扼
腕而深伊於胡底之嘆也今者欣逢
碧涵李老父臺大人蒞任茲土甫下車
即進諸生而喻以邑志之久曠當急舉

修隨設公局捐產為糧築城鄉端方之
士襄事期以三月竣工余竊心難之謂
時既久而難稽善無微而不信採訪紀
旦夕能周 公曰不然人之先世有善行
者其子若孫必不忍泯滅不傳縱式
微盡力其宗族鄉黨只賢而好德者亦
必樂為公舉以示勸獎何患遺漏余即

出示曉諭各鄉令其自來呈報察其實
可表揚者准其載入志內其無實蹟盜
虛聲者概置不錄恒是至公至正主之
何難之有若簽撥採訪則曠日持久弊
實百出事之有初鮮終往往坐此恒是
稿成付梓未免需費爰簽城紳士等經
理費用以董其事每鄉擇公正醇謹者

二人勸捐或數金或數十金聽從其便
揔視其人之好行其德而不之強將素
勒名東末亦可垂諸不朽誰肯自外乎
旋即發印簿九奉命余代傳其盛意
於端以為之勸余曰嗟服其識之卓才
之高而又幸安邑之振興有機也邑志
之廢墜已久遊宦者日不暇給伏竅者力

無能為阮不克表揚先哲又無以獎勵耒
茲曰陋就簡邑幾不成為邑矣一旦得
主持風教者為之振義而起廉哉邑公
何緣而獲此公蓋以天下楷模之望早
掌風憲於清班詩古文詞傳誦於名
公巨卿已久 今儲君今科入詞館
知家學淵源志業遠大誠有見乎志

之修廢實為民風吏治世道人心攸關
故他務未遑諄諄以此為急豈非識
大體知當務者哉是未可求諸俗吏
中矣我同人際斯盛遇千載難逢當
亦仰體 德意踴躍趨事以共襄曠典
慎勿視為故常而裹足不前則幸甚

告

嘉慶十四年歲在己巳秋月原任
城步教諭邑人殷瑞世識

